

Ustavni sud BiH: Nezakonit pritvor za Avdiju Kovačevića

Mart 14, 2018



Ustavni sud BiH na sjednici od 13.03.2018 god. usvojio je apelaciju bivšeg načelnika Općine Vareš, Avdije Kovačevića, koju je u njegovo ime podnjela adv.kanc. Dautbegović iz Zenice.

Podsjećamo da je Rješenjem Općinskog suda U Visokom 41 0 K 069471 18 KPP od 15. januara 2018. godine određen pritvor u trajanju od mjesec dana, zbog postojanja pritvorskih razloga iz člana 146. stav 1. tač. b) i c) ZKP.

Ustavni sud zaključuje da je povrijeđeno apelantovo pravo na slobodu i sigurnost osobe iz člana II/3.d) Ustava Bosne i Hercegovine i člana 5. stava 1. tačka c) i stava 3. Evropske konvencije jer se obrazloženja koja je ponudio prvostepeni sud ne mogu prihvatiti kao „relevantna“ i „dovoljna“ za zaključak o postojanju posebnih pritvorskih razloga iz člana 146. stav 1. tačka b) i c) ZKP FBiH, a

drugostepeni sud se, potvrđujući prvostepeno rješenje, uopće nije izjašnjava na osnovanost apelantovih prigovora koje ponavlja i u apelaciji.

Sagovornik iz advokatske kancelarije kaže da je odluka Ustavnog suda očekivana i da je Ustavni sud već mnogo puta postavio standarde oko pritvora. Nejasno je zašto tužilaštva zadnjih godina ustrajavaju na pritvoru i kad treba i kad ne treba i još je manje jasno zašto sudovi ne slijede pritvorske standarde koje je ustanovio Ustavni sud BiH.

Avdiji Kovačeviću je u međuvremenu produžen pritvor za još dva mjeseca i ostaje da se vidi kako će se ova odluka Ustavnog suda odraziti na dalji tok postupka.